

მ. ჯანაშვილი

ვახტანგ გორგასალი

მომბე
1899 № III

ვახტანგ გორგასალი

(472-532)

ვახტანგ გორგასალის ცხოვრება მეცნიერებს, თითქმის, ზღაპრად მიაჩნიათ. რად? იმიტომ, უმთავრესად, რომ მის «ცხოვრებაში» მოხსენებული ამბები არ ემთხვევიან მსოფლიო ისტორიის გადმოცემათ იმავე დროის შესახებ, რა დროსაც, ვახუშტის ქორონიკონით, მეფობდა ვახტანგ გორგასალი. გარნა ჩვენის მატიანის ზედმიწევნით შესწავლა მეცნიერების ამგვარ აზრს სრულიად არღვევს და ვახტანგს მიაგებს იმას, რაც ეკუთვნის.

ისტორიკოსის ვახუშტისა და მის მიმდევართ ბრალია, რომ აქამდის ვახტანგს ზღაპრულ ანუ ნახევრად ზღაპრულ გმირად მიიჩნევს მეცნიერება!

ვახტანგის ცხოვრების დასაწყისშივე (ქ.-ცხ., გვ. 121) სწერია:

„მას ჟამსა იყო ვახტანგ წლისა ოცდაორისა... მირიან მეფისითგინ ვიდრე ვახტანგ მეფისამდე გარდაცვალებულ იყო ნათესავი ათი და მეფენი რვანი ¹⁾ და წელიწადნი ას ორმოც და ათ შვიდმეტი“.

ვახუშტს ყურადღება არ მიუქცევია ამ 22 წლისათვის, როდესაც მირიანიდან ქორონიკონი ყოფილა 157 და არც იმისთვის, რომ მხოლოდ ამ 157 ქორონიკონიდან იწვება გრძელი ისტორია ვახტანგ მეფისა (გვ. 121-149), არამედ არც უციებია და არც

1) ვახტანგის მიერ კათალიკოზის განწესების ქორონიკონს კი „გარდაცვალებულიყო მეფენი ათნი“ (იხ. ქვემო).

I

2

მოამბე

უცხელებია და გადაუწყვეტია, სწორედ ამ ქორონიკონს, ესე იგი 499 წელს (რადგან 342 (+მირიანი) +157=499) გარდაცვლილა ვახტანგიო! და რადგან ეს ქორონიკონი (499 წ.) ქართლის ცხოვრებაში შესულა და გავრცელებულა, ვახტანგის ცხოვრებაც საზღაპრო შექმნილა, რადგან ეს ცხოვრება შემდეგ 499 წლისა ყოფილა და არა მანამდე.

ვახტანგ მეფის ცხოვრების დრო-ჟამის გამოსარკვევად ქართლის-ცხოვრებავე გვაძლევს რაოდენიმე ქორონიკონს და ყველა ეს ქორონიკონები გვიჩვენებენ, რომ გორგასალი აღსრულებულა 532 წელს.

ა. ქართლის-ცხოვრებაში აღნიშნულია ქორონიკონები სხვადასხვა შემთხვევათა ვახტანგის ცხოვრებიდან და ეს ქორონიკონები ეთანხმებიან მსოფლიო ისტორიის ცნობებს შესახებ საქართველოს მეფის გურგენისა (იგივე გორგენ, კურკენ).

ბ. ვახტანგის მიერ ოსეთს გალაშქრების შემდეგ სპარსეთში სამი ყმანი გარდაიცვალა (ქ.-ცხ., გვ. 133 და 146) და გამეფდა მეოთხე ხოსრო 1 (531 წელს).

გ. 531 წელს ვახტანგი მიწვენილი იყო ვიდრე 60 წლამდე დაბადებიდან (ქ.-ცს., გვ. 146).

დ. ვახტანგი მიიცვალა «აფხაზთა ცხოვრებით»²⁾ ქვას: რნე, დასაბამიდან: ხვლთ“.

ე. კათოლიკოზი რომ განაწესა ვახტანგმა, მაშინ ქორონიკონი რო (170 წ.).

ყველა ეს ქორონიკონები სმა-მალლა ღაღადებენ, რომ ვახტან-499 წელს არა თუ არ მომკვდარა, არამედ იგი ამ დროს ისევ ახალგაზდა ვაჟკაცი ყოფილა.

531 წელს რომ გამეფდა ხოსრო I-ლი, მან შემოუთვალა ვახტანგს: „მოკვდა მამა ჩემი და ერმან მისმან მე მყო მეფედ. მოხუცებულთა მიბრძანეს, მოვიდე შენ წინაშე და შენ წარმიძღვი ბრძოლად ბერძენთა და ასული შენი მომეც ცოლად“.

²⁾ ნაწყვეტი ამ „აფხაზთა ცხოვრებისა“ იხ. ჟორდანიას „ქრონიკებში“ (1, გვ. 50).

ვახტანგ გორგასალი

3

ვახტანგი მაშინ აშენებდა ქალაქ ტფილისს და საფუძველი ოდენ დაედვა. იგი მიწვენილ იყო დღეთა ვითარ სამეოცისა წლისა“. (ქ.ცხ., გვ. 146).

ვახტანგმა ყანის ელჩებს უთხრა: «ამისი თქვიან: მჭედელო, განმასვე მახვილი შენი, რათა მსწრფლი განეწონოს ასოთა შენთა!» და უარი შეუთვალა ყაენს, ხოსრო შემოებრძოლა. ვახტანგი დაიჭრა და მოკვდა.

ყველა ეს ამბები მოხდა 532 წელს და რასან ამ დროს ვახტანგი იყო 60 წლის ა, მ. შ იგი დაბადებულა 472 წელს. და ამ წლებ შორის კი (472–532) მართლაც მოჰხდა ყველა ის ამბები, რაც მოთხრობილია მატეანეში ვახტანგის შესახებ.

ა) სპარსეთში მეფობს ოთხი ყაენი: ორმუზდ III და მისი ძმა ფირუზი (+488 წ.), ბალატ (488 – 491 წ.), კობად I (იგივე კაბად) (491 – 531 წ.) და ხოსრო I (531 წ. 13 ენკენისთ. – 579 წლ. თებერვლამდე).

ბ. ვახტანგის ცხოვრების ქორონიკონები:

ვახტანგის გამეფება 479 წ. (472+7)³⁾

გალაშქრება ოსეთს 488 წ. (472+16)⁴⁾

საბერძნეთს ლაშქრობის გაპირება 494 წ. (472+22)⁵⁾

საბერძნეთს გალაშქრება 499 წ.⁶⁾

პირველი ომი სპარსებთან 504 წ. (491+3)⁷⁾

წამება წმ. რაჟდენისა წრომს 504 წ.⁸⁾

ზავი ქართველთა და სპარს-ბერძენთა შორის 504 წ.⁹⁾

5 წლის დაჩის გამეფება და ვახტანგის წასვლა სალაშქროდ „ინდოეთს“ 504 წ.¹⁰⁾

³⁾ 7 წლისა ტახტზე დაჯდა.

⁴⁾ 16 წლისამ ოსეთს გაილაშქრა.

⁵⁾ 22 წლისა იყო მაშინ.

⁶⁾ მირიანიდან ქორონიკონი იყო 157 (342+157=499).

⁷⁾ სამი წელიწადი გასულიყო ბერძნებთან ომის შემდეგ.

⁸⁾ პირველი შემოსევის ჟამს იწამა.

⁹⁾ ეს იყო სპარსთა შემოსევის წელს (ქ.-ცხ., გვ. 137).

¹⁰⁾ იქვე.

4

მომბე

ვახტანგის დაბრუნება და კათალიკოზის განწესება 512 წ.
(504+8) ¹¹⁾

სვეტიცხოვლის აშენება მცხეთას 512 წ. ¹²⁾

ტფილისის აშენება 531 წ. ¹³⁾

ვახტანგის სიკვდილი 532 წ. (472+60). ¹⁴⁾

გ. ზემოთ ვთქვით, რომ აზნაუთა ცხოვრება» ვახტანგის
სიკვდილის წელიწადს დასდებს «ქკ სა: რნე, დასაბამიდან: ხვლთ.“
ესეც სწორეა: ა) ქორონიკონი რნე (155) ქრისტესით=780
-248-532 წ. და ბ) ქორონიკონი ხვლთ (6539) დასაბამი-
დან = 6539 -(5604 +248 +155)=532 წ.

დ. რომ კათალიკოზის განწესების წელიწადიც სწორეა ჩვენ
მიერ ზემორე გამოანგარიშებულ 512 წელიწადთან შედარებით, ესეც
მტკიცდება თვით ქართლის ცხოვრებისა და «ქართლის მოქცევის» ჩვენებითა
და ქორონიკონით.

ამ მათიანეებში სწერია: „ვახტანგ მეფემან დასვა პეტოწ
კათალიკოსი, და ესე იყო ქართლის მოქცევიდან (იგულისხ-
მება მირიანის გარდაცვალების წელიწადი 342): რო წელსა, მეფენი
გარდაცვალებულ იყვნეს ათნი და მთავარ-ეპისკოპოსნი
ათცამეტნი, ხოლო პირველი კათალიკოსი იყო პეტრე“.

რო (170) წელიწადი მირიანიდან უდრის სწორედ 512 წელს
(242+170-512).

თვით გარდაცვალებულ მეფეთა და მთავარ-ეპისკოპოსთა რიცხ-
ვიც სწორეა:

+ ათნი მეფენი: მირიან. რევ. ბაქარ. მირდატ III. ბაქარ II
თრდატ. ფარსმან. მირდატ IV. არჩილ. მირდატ V. ¹⁵⁾

¹¹⁾ რვა წელიწადს დაჰყო „ინდოეთის“ ომში და დაბრუნების წელი-
წადს განაწესა კათალიკოზი (ქ.-ცხ., 144).

¹²⁾ იქვე, 155.

¹³⁾ იქვე, 146.

¹⁴⁾ იქვე.

¹⁵⁾ ვახტანგის ცხოვრების დასაწყისში, 157 ქორონიკონამდე მირი-
ანიდან, მათიანე სთვლის ა თ ნათესავს და რ ვ ა მეფეს, ხოლო ვახტანგის
მიერ კათალიკოსის განწესებას ქორონიკონი იყო 170 და მეფენი „გარდა-

ვახტანგ გორგასალი

5

+ 13-ნი მთავარ-ეპისკოპოსნი: იოანე I. იაკობ. იოზ. ელია.
სვიმონ. იოანა. იოანე II. გრიგოლ. ბასილი. მოზიდან. გლონოქორ.
იოველ. მიქაელ.

მაგრამ ეს ცოტაა კიდევ. თვით ქართლის ცხოვრების მოთხ-
რობა შესახებ ვახტანგ გორგასალისა და მსოფლიო ისტორიის
ცნობები შესახებ გურგენისა აგრეთვე არ განსხვავდებიან, ანუ, თუ

განსხვავდებიან, განსხვავდებიან წვრილმანობაში.

აქვე ჩავუერთავ საზოგადო განხილვას გორგასალ – გურგენის დროის საქართველოს მდგომარეობის შესახებ.¹⁶⁾

საქართველო მდებარეობდა ბერძენ-რომაელთა და სპარსთა იმპერიებს შორის და რადგან მაგარი ადგილმდებარეობდა ჰქონდა და მეომარი ხალხით იყო დასახლებული, ამიტომ მისი მიმხრობა ორივე მხარეს ენუკვოდა. ხოლო ეს იმპერიები ძველი დროიდანვე ერთმანეთის დაუძინებელი მტრები იყვნენ და ხშირად იბრძოდნენ არათუ მართო საქართველოს დაჩემებისათვის, არამედ მთელის სომხეთისა და მცირე აზიისათვისაც.

დარიოზის სიკვდილის შემდეგ სპარსთა სახელმწიფო დაიშო. სელევკიდების ნამუსრევზედ გაბატონდნენ პართნი, ესენია სკვითის ტომისანი იყვნენ. ამათ გაავრცელეს თვისი მფლობელობა ასრუეთიდან კასპიის ზღვამდე და ინდუსტანამდე. სპარსთ ედოთ მძიმე უღელი 500 წლის განმავლობაში. პართთა ხელმწიფე არტაბანს ევანდა სახელოვანი მეომარი – არდაშირი (იგივე ბაბეკენ – სასანი), რომელიც მოიძულა მეფემ და განაძო, არდაშირმა თვისი თავი გამოაცხადა სპარსთა ტახტის მპყრობელად. სპარსთ თავი მოიყარეს

ცვალებულ“ იყო ა თ ი. „ქართლის ცხოვრება“ მეფედ არა სთვლის რ ე ვ ს და „ქართლის მოქცევა“ კი მირდატ III-ს, მაშასადამე უამათოდ ვახტანგამდე უმეფნია მხოლოდ რვა მეფეს. კათალიკოსის განწესებამდე მეფედ იყო ჯერ ვახტანგი (479–504) და მერე მისი ძე დაჩი (504–512 წ.); (ვახუშტით დაჩი 499–514 წ.). მაშასადამე, თუნდ რევი და მირდატ III არ დავთვალეთ, კათალიკოსის განწესებამდე მაინც ა თ ი მეფობა ხვდება: მირიან. ბაქარ. ბაქარ. II. თრდატ. ფარსმან. მირდატ (III). არჩილ, მირდატ (IV), ვახტანგ. დაჩი.

¹⁶⁾ იხ. Эдуардъ Гиббонъ. Нсторія упадка и разрушешя Римской имперіи. – Георгъ Веберъ. Всеобщая исторія.

6

მომბე

მისს გარეშემო და აღიარეს იგი ყაენად (226 წ. ქ.-შ.). არდაშირი სამგზის შეებრძოლა პართთა მეფე არტაბანს, სახელოვანად გაიმარჯვა, მოკლა თვით არდაბანიც და აგრეთვე სომხეთის მეფეც.

ასრე გახელმწიფდა არდაშირ-ბაბეკენ სასანი და ასრე დაიდო დასაწყისი სასანელოთა დინასტიისა. ამ დინასტიამ იმეფა 425 წელიწადი და ამდროს განმავლობაში ისეთი სიძლიერე გამოიჩინა, რომ, ხშირად, არათუ ქართველ-სომეხთა მეფეებს, არამედ თვით ძლიერ ბიზანტიის იმპერატორებსაც ბურთივით ათამაშებდა.

შუამდინარესა (ტვიგროს-ევფრატის სეობანი) და შავ ზღვას აქეთი მხარე ყაენებს თავისად მიაჩნდათ. დარიოზის დროსაც ჩვენი იყო. სოლო გალალეზულნი იმპერატორნი ამბობდნენ, საქართველოცა, სამხეთიცა და შუამდინარეც ჩვენიაო. ამ შუღლმა და ცილობამ გამოიწვია საშინელი ბრძოლა აღმოსავლეთსა და დასავლეთს შორის. ბრძოლის ასპარეზად შეიქმნა საქართველო, სომხეთი და მცირე აზია. არდაშირის დროიდან არაბების შემოსევამდე ეს ქვეყნები ხან ყაენებს რჩებოდა და ხან იმპერატორებს, მიხედვისამებრ იმისა, რომელი მათგან ძლევამოსილად გამოდიოდა ბრძოლის ველიდან.

მომყავს მოკლე ნუსხა სპარს-ბერძენთა შეტაკებისა არდაში-
რის დროიდან ვახტანგ გორგასალამდე, რათა შევიტყოთ, რა გარე-
მოება წინ უძღოდა მისს გამეფებას.

არდაშირმა დაიმორჩილა მრავალი ქვეყნები. მისი მფლობელობა
უწევდა ერთის მხრით ტვიგროს-ევფრატამდე, მეორე მხრით კას-
პიის ზღვამდე და ოქსუსამდე, მესამე მხრით ინდის მდინარემდე და
მეოთხე მხრით სპარსეთის სრუტემდე. არდაშირი შეებრძოლა რო-
მაელებს, გარნა ვერ წაართო მესოპოტამია (შუამდინარე). მისმა შვილ-
მა საფორმა დაიპყრო სომხეთი და შეესია მცირე აზიას. იმპერატორი
ვალერიანე შემოებრძოლა მას, მაგრამ ძლეულ და ტყვედ წაყვანილ
იქმნა. საფორმა იმპერატორად დანიშნა კირიადი (260 წ.) და გაა-
ნადგურა ანტიოქია, დაიპყრა ასურეთი, კილიკია და აიღო კათბადუ-
კიის ქალაქი კესარია, საცა იყო 400,000 მცხოვრები. გალიაში
ჩასმული ვალერიანე საჩვენებლად დაჰყავდათ და, რომ მოკვდა, გაა-
ტყავეს, მისი ტყავი თივით გამოტენეს და ჩამოკიდეს სპარსთა უპირ-
ველესს ტაძარში.

ვახტანგ გორგასალი

7

296 წელს მესოპოტამიაში შეიბნენ საფორის მემკვიდრე ნარ-
სესი და იმპერატორი დიოკლიტიანე. უკანასკნელმა გაიმარჯვა.
მტრებს შორის შეკრულ ზავის ძალით არეზი დაიდგა მიჯნად იმპე-
რიასა და სხყანოს შორის, სომხეთს დაენიშნა მეფე და საქართვე-
ლოს მეფეების დანიშნვაც იმპერატორებს დარჩათ. გარნა ასრეთი
ყოფა დიდხანს არ გაგრძელდა. საფორ II-ემ მრავალგან დაამარცხა
ბერძენ-რომაელნი და სომხეთი, და საქართველო კვლავ დაიბრუნა.
სომხეთში შევიდა თვით საფორი, ხელთ იგდო მეფე ტირანი, ეგ-
ბატანიის საჰეროზილეში ჩააგდო და მოკლა. სომხეთი ჩააბარა ერთს
თვისს საყვარელ ხადუმს და უბრძანა, დაეპყრო საქართველოს «მეო-
მარი ერი». აქ მაშინ მეფობდა სავრომაკი (=საურმაგი), ხელმწიფედ
დადგენილი რომაელთაგან. სპარსთა მოსვლისავე უმაღლესი სავრომაკი
გაიქცა. «მეფეთა მეფემ საქართველოს ხელმწიფეთა გვირგვინი მის-
ცა ერთს თვისს მოძულეულ ქვეშევრდომ მთავარს – ასპაკურს
(=ასფაგური). ამ ასპაკურის ცოლშვილი ტევედ იყვნენ სპარსეთში.
ასპაკურმა და საკრომკმა ძმურად გაიყვეს საქართველო (365 –
378 წ.). რომაელებს შინაური საქმე გამოუჩნდათ. მათი ლაშქარი
წავიდა. საფორი შეიქმნა ბატონად აღმოსავლეთისა.

378 წელს რომ მოკვდა 70 წლის საფარი, სპარსთა სახელმწიფოს
საქმეები აირია. სომხეთმა და საქართველომ თავისუფლად ამოისუნთ-
ქეს, მაგრამ მცირე სწით. იმპერ. ვალენტის ბრძანებით შებოჭეს
სომხეთის მეფე პარა და მოკლეს, ხოლო თვით სომხეთი შუაზე
გაიგეს სპარს-რომაელებმა 431 წელს.

ამავე დროს მთელი იმერეთი (ლაზიკა, კოლხიდა) კეისრის
კუთვნილებად ითვლებოდა. აქ იყო მაგარი ციხე-ქალაქები: არქეოპო-
ლი (ცხუმი), ვარდციხე (როდოპოლი), მუხირეზისი (თუსარიისი ჭო-
როსზე), ქუთაისი, უსმერიონი (არქელის გორა), სკანდა, შორა-
პანი. 457 – 461 წლებში სვანები ებრძოდნენ ლაზებს (კლარჯებს).
ლაზთა მეფე გუბაძე მიემხრო კეისარს, სვანნი კი ყაენს. გუბაძე
წავიდა კოსტანტინეპოლს. მას ეცვა სპარსული ტანისამოსი და

ჰყვანდა მცველები. გუბადემ პირმოთნეობა იხმარა, რომ დაემსახურა კეისრის ქება და ამასთანავე კეისარს დაუმტკიცა ქრისტიანულს სიმ-

ბოლოს აღვიარებო. ამ დროს სპარსნი და ივერნი ებრძოდნენ ჰონ-ნებს.¹⁷⁾

ჩვენ უკვე ახლოს ვართ ვახტანგის დაბადების დროსთან, მესამე საუკუნის გასულს საქართველოში გამეფდა სასანელთა დინასტია. მოგვარე მეფეების გახელმწიფება საქართველოში ყაენების სიამავე იქნებოდა, თუ ამ მეფეებს არ ეღალატნათ ცეცხლის მსახურობისთვის და არ გაქრისტიანებულიყვნენ ერთურთ. ყაენებმა კარგად იცოდნენ, რომ სარწმუნოებრივი ერთობა ორთა სახელმწიფოთა შორის მოასწავებდა თვით პოლიტიკურს ერთობასაც. და ამიტომ მათს მრისხანებას საქართველოს გაქრისტიანების შემდეგ საზღვარი აღარა ჰქონდა. ახლა იგინი ცდილობდნენ საქართველოს დამონებას არათუ მარტო პოლიტიკურად, არამედ სულიერადაც, სარწმუნოებრივის მხრივაც.

სპარსთა სარწმუნოება იყო ცეცხლისა, სინათლისა და მზის მსახურება. სპარსეთში 80,000 მოგვი იყო. ვისაც სურდა ცხოვნება, კურთხევა უნდა მიეღო «დესტურისაგან»¹⁸⁾. იგივე სარწმუნოება მოგვება – დასტურებითურთ იყო ჩვენშიაც და ახლა რომ ეს სარწმუნოება უკუაგდეს ქართველებმა, სპარსთ ემწევათ და კინაღამ არ დალუპეს საქართველოცა და მისი ახალწერგი რჯულიც.

მირიანი რომ მოინათლა ქართველებითურთ, არ გაქრისტიანდა რანის ერისთავი ფეროზი, სიძე მირიანისა. მისი გაქრისტიანება მოხდა მხოლოდ შემდეგ ში, მაშინ, როდესაც მირიანის ძემ ბაქარმა დაუთმო. სამშვილდიდან მიღმართ აბოცამდე და მაგიერად რანი თითონ დაინარჩუნა.

სწორედ ამ ხანს იყო დიდი ბრძოლა სპარსთა და ბერძენთა შორის საქართველოს განაწილების შესახებ. და ეს ბრძოლა დასრულდა მით, რომ დასავლეთის საქართველოში მეფედ დაჯდა ბერძენთა მომხრე სავრომაკი და აღმოსავლეთისაში კი ასპაკური (=მეფე ვარაზბაკური=(ვარ)ასბაკური).

ქართლში შემოვიდა ყაენის სპასალარი, სოფელ ტფილისში ააშენა შურის ციხე, დახარკა მეფე და წავიდა. მთელი კლარჯეთი ბერძნებს დარჩათო, – ამბობს ქართლის ცხოვრება.

¹⁷⁾ გან. ნაწილი II, გვ. 67–69.

¹⁸⁾ „დესტური“ იგივე ჩვენებური დასტურია.

რაოდენიმე წლის შემდეგ კვლავ ეწვივნენ საქართველოს სპარსნი, დაიპურეს ქართლი, «გარყვნეს ეკლესიანი» და «აღაგზნეს ცეცხლა», სოლო ქართველებმა «ჯვარები დამალეს». ქართლის გამგეობა ყაენმა ჩააბარა ბარზაბოდს, რომელიც იყო ერისთავი რანისა, მოკაკანისა და ადარბადაგანისა. ამ ბარზაბოდმა ქართლ-ერეთის ერისთავად დანიშნა ქართლის მთავარ-ეპისკოპოსი გლონოქორი მეფე

მირდატი კი ტყვედ წაიყვანეს და ტყვეობაშივე მოკვდა.

სამს წელიწადს ამერეთი უმეფოდ დარჩა. ამის შემდეგ ვახტანგ გორგასალის პაპა არჩილი მიემხრო ბერძნებს, «გამოაჩინა ჯვარნი», ეკლესიები შეამკო და ცეცხლის მსახურნი განდევნა. მალე მეფე დაემოყვრა ბარზაბოდს და მისი ასული სანდუხტი ცოლად შერთო თავის შვილს მირდატს. სანდუხტი ცეცხლის მსახური იყო. მას მიჰგვარეს «რჯულის მეცნიერნი კაცნი», რომელთაც უთარგმნეს სახარება. ამის შემდეგ სანდუხტი მოინათლა.

ამ სავალალო დროს ორად გაყოფილი საქართველო მთლად მისუსტებულიყო, და ეკლესიაც რაღაც «ორობას» წარმოადგენდა – ქრისტიანობასა და ცეცხლის მსახურებას. მთავარეპისკოპოსად მცხეთაში იჯდა სპარსი მობიდან, რომელიც მხოლოდ გარეგნობით ჰგვანდა ქრისტიანეთა ეპისკოპოსს, ხოლო გულით კი იყო „ურჯულო, შემშლელი ქრისტიანულ წესთა, ნამდვილი მოგვი და ფარულად მწერალი საცთურების წიგნებისა“.

აგერ სანდუხტ დედოფალი, დედა ვახტანგისა და ასული ბარზაბოდისა, რანს მისულა, ამოუყრია ძუძუები, პირქვე დამხოვილა მამის წინაშე, პირი დაუდვია მისს ფეხებზე, რომელთაც ალტობს თვისის ცრემლით. იგი ითხოვს შეწყალებასა და შენდობას და ევედრება, არ აიძულოს დატევებად ქრისტეს სჯულისა და მოურავ ექმნეს სპარსთა მეფის წინაშე. კარგით, – უპასუხებს ქართველთა დედოფალს მძლავრი ბარზაბოდ, – იძულებით არავის დაგატევებინებთ ქრისტეს რჯულს, გარნა თქვენს ქალაქში გამოგზავნი ცეცხლის მსახურ ეპისკოპოსთ და «ვინცა ქართველი ნებითა თვისი აღირჩევს სჯულსა ჩვენსა, ნუ დაუშლით».

დედოფალი დაბრუნდა. ბარზაბოდმა მცხეთას გამოგზავნა ცეცხლის მსახურნი და მათზედ ეპისკოპოსად ბინქარი.

10

მომამბე

ჯვარსა და ცეცხლს შორის გაიმართა ბრძოლა, ბრძოლა არა თანასწორი, რადგან ცეცხლის მხარეს იყო სიძლიერე ყაენისა. ბინქარ ეპისკოპოსი იწვევდა ერს ცეცხლის გარეშემო, ქრისტიანეთა მღვდლები კი ჯვრის ტვირთვად. მოგვთას (არმაზს) ისევ ძველებურად მოგვნი მოგვობდნენ, ხოლო შიგ მცხეთაში კი მღვდელნი მღვდელობდნენ. ერი გაიყო ორ ბანაკად: წარჩინებულნი ქრისტიანებად დარჩნენ და არ უღალატეს ნინოს-მიერ განთესილ სწავლას, ხოლო წვრილისა ერისაგანნი ცეცხლის მსახურებას შეუდგნენ. დედოფალი და წარჩინებულნი გრძნობდნენ საშიშ მდგომარეობას და იმის მეტი ღონე არა ჰქონდათ, რომ საყდრის დასაცველად მოეუკანათ საბერძნეთით ჭეშმარიტი მღვდელი» მიქელ და იგი დაედგინათ ქრისტიანეთა ეპისკოპოსად.

ვახტანგ გორგასალი, რომელიც შვიდი წლისა დაობლდა, ჯერ ისევ ერმა იყო. მას ასწავლიდა ხსენებული მიქელ ეპისკოპოსი და რომ 15 წლისა შეიქმნა, «ბრძენსა» და «ფილოსოფოსს» დაემსგავსაო.

ამ 15 წლის ჭაბუკმა მოუწოდა ყველა წარჩინებულ კაცებს, «შემოკრიბნა ყოველნი ქალაქნი, მოამზადა ერთი სახლი, დაჯდა «საყდართა ზედა მაღალთა» (სამეფო ტახტზე), ჯუანშერ სპასპეტი

და ორნივე ეპისკოპოსნი (ამათგან ერთი ალბად იყო მთავარეპისკოპოსი და მეორე სამთავრელი) დასხდეს საყდართავე, და სსვანი ყოველნი ერისთავნი დასხდეს სელეზითა, ათასისთავნი და ასისთავნი და ყოველი ერი წარმოდგეს ზე, და ყველა ამათ ახალგაზდა მეფემ უთხრა: «...არა დავითმინო კიცხვად ოვსთა... ვიძიოთ შური მათზედა. უკეთუ წაგვეკიდებოდა ესე სპარსთა მეფისაგან ანუ ბერძენთა მეფისაგან, მოვითმენდით. არამედ რად მოწევნულ არს ჩვენზედა ოვსთა კაცთაგან, არა ჯერ არს მისი დათმენად, სიკვდილი სჯობს თავთა ჩვენთათვის».

ჯუანშერ სპასპეტმა მეფეს ურჩია, შენ ჯერ ჭაბუკი ხარო, ლაშქარი რომელსამე ჩვენთაგანს ჩააბარე და შენ შინ დარჩიო, გარნა მან არ ინება. მე არა ვარ მორჩილი ზრახვისა მაგის შენისა, ყოველნი დღენი ცხოვრებისა ჩემისანი მწუხარებასა შინა დამიყოფიან, ვითარცა მყოფსა ბნელისასა. სიწყალული დისა ჩემი-

ვახტანგ გორგასალი

11

სა განლევს გულისა ჩემსა, ვითარცა მახვილი ცეცხლისა. სიკვდილი მირჩევნია თავისა ჩემისათვის, ვიდრელა სიცოცხლე. მინდობითა ღვთისა და წინამძღვარობითა ჯუარის პატიოსნისა თავით ჩემით წარვალ და ვესავ მრავალ მოწყალებათა მისთა, რათა არა განმწიროს და მომცეს ძლევა».

მეფის მტკიცე სიტყვამ აღტაცებაში მოიყვანა უველანი და ერთსმად შეღალადეს: ცხონდინ, მეფეო, უკუნისამდე. იქმნეს განზრახვა შენი. ღმერთმან დამბადებელმან მოავლინეს ანგელოზი თვისი ძალად შენდა და დასცენ ყოველნი მტერნი შენნი».

გადასწყდა ოსეთს გალაშქრება.

ოსები და ჩრდილოეთის ველურები საქართველოში თარეშობდნენ 457 წლიდან. სწორედ ამ წელს სარაგურები და აკატორები შეცვივდნენ სპარსეთში, გარნა კასპიის კარები გამაგრებული იყო, ამიტომ პირი იბრუნეს და სხვა გზით შემოვიდნენ საქართველოში და გააოხრეს ქვეყანა, და აქედან დაუწყეს რბევა სომხეთის ქალაქებს¹⁹).

ქართლის ცხოვრების სიტყვით, ურიცხვი ლაშქარი ოსების შემოვიდა ქართლში და მოაოხრა «თავითგან მტკვრისა ხუნანამდე». მოაოხრეს ველნი. ციხე-ქალაქთაგან მოაოხრეს მხოლოდ კასპი. აქ მაშინ იყო ვახტანგის დად მირანდუხტ, სამი წლის ყრმა. იგი ტყვედ წაიყვანეს. წარუტყვევენელად დარჩნენ ხევნი ქართლისა, კახეთი, კლარჯეთი, ეგრისი. ოსებმა ჩაკლეს რანი და მოვაკანი, მოტყვევნეს ეს ქვეყნებიც, განვლეს კარი დარუბანდისა, «რამეთუ თვით გზად სცეს დარუბანდელთ», და შევიდეს ოსეთს გამარჯვებულნი. და ასრე თარეშობდნენ ეს ველურნი 5-ს წელიწადს.

რადგან ეს ჩრდილოეთის ველურნი მტრობდნენ არა მარტო საქართველოს, არამედ თვით სპარსეთსაც, რადგან აოხრებდნენ მის კუთვნილ ქვეყნებსაც, ამიტომ ოსეთზე გალაშქრება სასურველი იყო თვით ყაენისათვისაც. ყაენისა და რანის ერისთავის ნება-დაურთველად და შემწეობის აღმოუჩენელად ვახტანგს არ შეეძლო გადაეღახა კავკასიონის ქედი. ამიტომ უწინარეს ყოვლისა მოციქული წარგზავნა რანს, საცა მაშინ მთავრობდა მისი დედის ძმა ვარაზბაკუ-

რი, «აუწყა ლაშქრობად ოვსეთისად და ითხოვა შეწევნა. მან სი-
ხარულით მიიღო მეფის თხოვნა, «რამეთუ ქვეყანად» მისიცა ტყვე-
ქმნილ იყო ოვსთაგან, და გამოუგზავნა 12,000 მხედარი. ვახტანგ-
მა შეუარა 100,000 მხედარი და 60,000 ქვეითი ლაშქარი და გა-
სწია დარიალისაკენ. მან შემუსრა ოსნი, გავლო დარიალის კარი,
დაამარცხა მრავალი ველური ხალხი, გაიარა აზოვის ზღვამდე, გად-
მოვიდა აფხაზეთსა და მცხეთას მშვიდობით დაბრუნდა აუარებელის
ალაფითა, ტუკითა და თავის დით მირანდუხტით, რომელიც დამარ-
ცხებულ ოსებმა მოგვარეს მეფეს.

ეს ძლევამოსილი ლაშქრობა იმოდენად დიდი და მრავალმნი-
შვნელოვანი იყო, რომ იგი ღრმად ჩანერგილა ერის მეხსიერებაში.
აი თვით სმაც მისი გამარჯვებისა:

ვახტანგ მეფე ღმერთს უყვარდა:

ციდან ჩამოესმა რეკა;
იალბუზზედ ფეხი შედგა,
დიდმა მთებმა იწყეს დრეკა;
ოსებში გადაიარა,
ჩერქეზები გადარეკა.

საკვირველი ის არის, რომ, როგორც გადმოგვცემს, ი. ყაზი-
ბეგის-მიერ ჩაწერილი ჩერქეზთა ლეგენდა, ეს დიდი მეფე, თურმე,
დღესაც ახსოვთ ჩრდილოეთ კავკასიელებს!

ვახტანგ გორგასალი შორს-მხედველი მეფე იყო. ლაშქრობი-
დან დაბრუნებისავე უმაღლეს, უწინარეს ყოვლისა, წარსცა ძღვენი იმათ,
რომელთა ნებართვითა და შემწეობით მან შემუსრა ძლიერება ოს-
თა, უიკჩაუთა, პაჭანიოთა, ჯიქთა და სხ.

ყაენის წარმომადგენელს კავკასიაში, რანის ერისთავს ვა-
რაზბაკურს გაუგზავნა: 1000 მონა, 1000 ცხენი სახედარი და 1000
ხრდალი ცხენი.

ყაენს მიაღწია: 10,000 მონა, 10,000 ხრდალი ცხენი,
10,000 სახედარი ცხენი. ამ ძღვენის მიმართმევად ყაენისათვის ვახ-
ტანგმა ამოირჩია ზემორე ხსენებული ბინქარ ეპისკოპოსი და თან
ყაენისაგან ითხოვა ცოლად მისი ასული ბალენდუხტ.

ყველა ამით, უეჭველია, ვახტანგს სურდა დაემტკიცებინა თვი-
სის უზენაესის მფარველისათვის, რომ იგი ერთგული მონაა სა-

ყაენო ტახტისა და არც სდევნის ცეცხლის მსახურებას, რის საბუ-
თადაც ჩაითვლება ცეცხლის მსახურ ბინქარ ეპისკოპოსის ელჩად
წარგზავნა ყაენის წინაშე.

და მართლაც, ყაენმა დიდად დაუმაძღლა ვახტანგს ერთგულობი-
სათვის და იმისთვისაც, რომ მან ვანის სახელითა და შემწეობით
შემუსრა სპარსთა იმპერიის დაუძინებელნი მტერნი – ჩრდილოეთ
კავკასიის ველურნი.

ეს ცოტაა კიდევ ვახტანგის ერთგულობა სასიხარულო იყო მითაც, რომ სწორედ ამ დროს ბერძნები აეშალნენ სპარსეთს და აღმოსავლეთში წამით-წამს მოელოდნენ დიდს და სამიწელ ამბებს. მამაც ქართველთა მეფის მომხრეობა ყაენს უღვიძებდა იმედებს, რომ მისი მხედრობა გაიმარჯვებდა მცირე აზიაშიაც. ამიტომაც ყაენმა მადლობით მიიღო ძღვენი, ცოლად გამოუგზავნა ბატონიშვილი ბალენდუხტ, რომელსაც მზითვად მოსცა «სომხეთი და ყოველნი მეფენი კავკასიანთანი», და ამასთანავე ვახტანგს უბრძანა გალაშქრება წინააღმდეგ კეისრისა.

ყაენისაგან ვახტანგისადმი მოწერილ წიგნში ეწერა: **«ჰურმიზ-დისაგან, ყოველთა მეფეთა მეფისა, ვახტანგის მიმართ ვარან-ხვასრო-თანგისა, ათთა მეფეთა ახოვანისა»²⁰⁾**.

ეს ჰურმიზდი არის სპარსთა ყაენი ორმუზდ III, რომელიც თავის ძმასთან ფირუზთან (ფეროზი) ერთად მეფობდა 457 წლიდან 488 წლამდე. ვახტანგის დროს ორმუზდ მეორე ვერ იქ-

²⁰⁾ აქ საჭიროდ ვთვლით შევნიშნოთ შემდეგი: ჩვენ ვფიქრობთ, რომ სახელი „ვახტანგ“ არის შემოკლებული ფორმა ვარან-ხვასრო-თანგისა; ამ სიტყვების დასაწყისის ასოებში იკითხება **ვახტანგ ანუ ვახთანგ (ვარან-ხვასრო-თანგ)**. ნამდვილი, ნათლისღების სახელი ამ მეფისა უნდა იყოს გიორგი (მდაბიურად გორგი, რომლისაგან წარმოსდგა ა) გორგისეული (გორგასალი, გურგასალი, გოლგასალი) და ბ) გიორგიანი, (გორგერი, გურგენი, კურკენი, ბერძნულად). ჩვენს მეფეებს, რომელთაც ერქვათ გიორგი, სპარსელები გურგენს უწოდებდნენ. იგულისხმეთ „გურგენ-ხანი“ (გიორგი X) და სხვ.

14

მოამბე

ნებოდა უაენად, რადგან იგი სელმწიფობდა მეოთხე საუკუნის დასაწყისში²¹⁾.

მიიღო თუ არა ბრძანება უსენისა, ვახტანგი შეუდგა საღამქროდ მზადებას. მაშინ იგი იყო 22 წლისა. მაშასადამე, ეს იყო 494 წელს (472+22). ვახტანგმა გასცა ბრძანება და საომრად მოიწვია კავკასიის მეფეები. მოვიდნენ მეფეები დარუბანდისა, მოვაკანისა ბორზო, ლეკთა მეფე იპაჯაჯ და სს. შეიარა ლაშქარი 200,000 კაცი და დადგა მტკვრის იმიერ და ამიერ. ყაენის ბრძნებით მოვიდა აგრეთვე ვახტანგის დედის ძმა ვარაზბაკური, ერისთავი რანისა და მოიუყვანა 200,000 მხედარი. ადარბადაგანიდან, რანიდანა და მოვაკნიდან.

ამასობაში გავიდა სუთი წელიწადი. მირიანს აქეთ გასულიყო 157 წელიწადი (342+157=499 წ.). შემდეგ ამისა ვახტანგი წაუძღვა ამ დიდძალი ლაშქარს და შევიდა სომხეთს, პეროჟუფარს მოერთნენ სომხეთის ლაშქრით ერისთავნი: სიკნელი არევ, ასფორაგნელი ჯვანშერ, ტაროკნელი ამზასჰ და თრდატ. ალექსემოარტყეს კარახპოლს (კარნუ-ქალაქს, არზრუმს). სპარს-ქართველ-კავკასიელთა ლაშქარმა თავზარი დასცა ბერძნებს და, რომ მეტისმეტად გაჭირდა საქმე, ბერძნებმა, როგორც ამბობს ქართლის ცხოვრება, საიდუმლოდ მიიბირეს ვახტანგი. ელჩი კეისრისა ეუბნებოდა ვახტანგს: «ბერძენნი ნათესავნი ღვთისანი არიან აღთქმისა მის-

²¹⁾ ყაენები სასანიდთა გვარისა: არდაშირ-ბაბეკენ-სასანი (არტაქსერქსი) (226–240), შაბურ (საფორ) (240–271), ორმუზდ I (271–272), ბაჰრან I (ვარან) (272–276), ვარან II (ბარამ) (276–293), ვარან III (293–294), ნარსეს 294–303), ორმუზდ II (303–309), შაბურ II დიდი (309–380, არდაშირ II (380–383), შაბურ III (383–388), ბაჰრან IV (ვარან, ბარამ, ქირმანშაჰ) 388–399), იეზდიგერდ I (იეზდედშირდ) (399–419), ბაჰრანგურ V (ვარან, ბარამ) (420–440), იეზდიგერდ II (ვარან VI) (440–457) ორმუზდ III და მისი ძმა ფირუზი (ფეროზი) (457–488), ბალატ (ბალაშ, ვალარშ, ვალენტ) (488–491), კობად I (კობად, ძე ფირუზისა) (491–531), ხოსრო I ანუშირვან დიდი (531 13 ენკენი–579 თებერ.), ორმუზდ IV (679–591), ხოსრო II (591–628), შირუეს (სიროეს), არდაშირ III, ბარამი, იეზდიგერდ III (+ 649 წ.). ამ წელს არაბებმა მოსპეს სასანიდთა დინასტია.

ვახტანგ გორგასალი

15

თვის, რაჟამს უწოდა მათ შვილად ღვთისა და მოსცა მათ ბეჭედი, რომლითა შეჰმუსრა ჯოჯოხეთი და არს იგი ჯვარი. შენ მიერ აღზნებული ცეცხლი შენვე დაშრიტე და მეგობარ იყავ კეისრისა, ვითარცა დღესამომდე იყავ სპარსთა (ქცხ., გვ. 125). ამასთანავე კეისარმა გამოუგზავნა მეფეს ჯვარი, სამეფო გვირგვინი და შესამოსელი და აღუთქვა, რომ დაგიბრუნებ თუხარისის ციხეს (ჭოროხზე) და ქართლის საზღვრებსო (ქცხ. გვ. 128–129).

ვახტანგსა და კეისარს შორის მოლაპარაკება სწარმოებდა დიდის სიფრთხილით, რადგან შიშობდნენ, ყენმა არ შეგვიტყოსო. ხოლო უსენი უკვე თვით მოდიოდა საბრძოლველად. მოლაპარაკებაში ვახტანგის მხრივ მონაწილეობას იღებდა მისი მამამძუძის სპასპეტის საურმაგის ძმა კარაზმირი, სოლო კეისრის მხრივ მღვდელი პეტრე და მონაზონი სამოელ. კეისარი რომ პონტო ქალაქს გამოჰკიდა, ვახტანგის მოციქულებმა მიართვეს მას 1000 მუტკალი მუშ-500 მარი 1000 ლიტრა ალვად.

თუმცა ყოველივე ეს დიდის საიდუმლოებით მოცული იყო, გარნა რანის ერისთავმა შეიტყო მეფის ღალატი, მიიჭრა მის წინაშე და უთხრა: «ჴ, გველო და ნათესაო ასპიტისაო! შენი მამის დედად ბერძენი იყო და გძლო შენ დედის ბუნებაჲმან შენმან, ჯვარცმულისა და მომკვდარი კაცის სიყვარული გი-პყრია და გნებაჲს შეყენება ჩვენი ხელთა ბერძენთასა».

ვახტანგმა მხოლოდ უთხრა: აჰა, შენ და ბერძენნი. იხილავ მომკვდარი კაცის ძალსაცა და ცეცხლისასაც, რომელსა შენ ესავ».

დააყვირეს საყვირები. ვახტანგი ქართველებითურთ განზე დადგა. სპარს-ბერძენთა შორის ასტყდა საშინელი ბრძოლა ბერძნებმა მოკლეს 27,000 სპარსი, მოკლეს აგრეთვე რანის ერისთავი ვარაზბაკური (ვახტანგის დედის ძმა), ლეკთა მეფე იპაჯაჯი, მოვაკნის მეფე ბორზო. მეორე შეტაკებაში მოიკლა 43,000 ვახტანგის მიერ წაყვანილ ლაშქართაგან და 72,000 ბერძენი. და აქვე მოკლულ იქმნა კეისრის სპასპეტი პალეკარტოს ლოლოთელი²²⁾

²²⁾ შეადარე ბერძნების დაგისტეის, მათის ჯარის სეასალარს.

ამის შემდეგ მეფე ვახტანგმა გაანთავისუფლა 780,000 ტყვე-ბერძენი, კეისრის წინაშე გაგზავნა ერისთავი წუნდისა ნასარ და სამშვილდისა ადარნასე და ითხოვა ცოლად მისი ასული ელენე. კეისრად მაშინ იყო ანასტასი, რომელმაც თვისი ასული დაწინდა ვახტანგზე და მეფეს დაუბრუნა ციხე თუხარისისა, კლარჯეთი შავი ზღვიდან არსიან-მთამდე და ეგრისის წელამდე.

ასრეა ქართლის ცხოვრებით. ამაზე უკეთესს დროს ვახტანგი ვერ მოიხელებდა, რომ ჯავრი ამოეყარა სპარსელებისა, რომელთა მეოხებით ქართველთა მეფენი უკიდურესად დამცირებულ იუვნენ და ქართველთა ეკკლესიაც ოდნავ-ღა ბჟუტავდა, შევიწროებული და შეგინებული ცეცხლმსახურთაგან.

გიბონის ისტორია ²³⁾ ამ ამბებს მოკლედ გადმოგვცემს. ანასტასი კეისრის სიძუნწემ განხეთქილება ჩამოაგდო სპარსთა და ბერძენთა შორის. ყაენს მიემხრნენ ჰუნნი და არაბნი. მტრები შეიბნენ მცირე აზიაში. იბრძოლეს სამი თვე და ამ სამს თვეში კოზად ყაენმა დაკარგა 50,000 მეომარი. ომი გაგრძელდა სამს წელიწადს. ყაენი გარს შემორტყმოდა ქალაქ ამიდას და ვერას გზით ვერ იღებდა მას ყაენი ბრაზით იხრჩობოდა. ქალაქის დედაკაცი ციხის თავზე გადმოდგებოდნენ ხოლმე, დასცინოდნენ სპარსელებს და თავიანთ სასირცხოებს აჩვენებდნენ. ბოლოს ყაენმა შემუსრა ამიდა და ამოხოცა მისი 80,000 მცხოვრები. ანასტასიმ მშვიდობა ითხოვა. ძლევამოსილი ყაენი შევიდა კავკასიაში და გაამაგრა ივერიისა, ალბანიისა და დარუბანდის კარები. ყოველივე ესე იყო 502–505 წლებში.

ეს ასრევ უნდა მომხდარიყო. ძლიერი ყაენი ვერ აპატივებდა ვახტანგს, რომ მან უღალატა თვისს უზენაესს მზრძანებელსა და ცეცხლის მსახურებას.

გარნა ვახტანგი, რომელმაც გვირგვინი მიიღო კეისრისაგან, სასოებდა, გაჭირების დროს იმპერატორი შემეწევო. ამიტომ ბრძოლის ველიდან რომ დაბრუნდა, «შეიპყრო ბინქარ მაცთური, ეპისკოპოსი ცეცხლის მსახურთა და მოსრნა და განასხნა ყო-

²³⁾ Эдуард Гиббонъ. Исторія упадка и разрушенія Римской имперіи, ნაწილი IV, გვ. 367–372.

ვახტანგ გორგასალი

17

ველნი ცეცხლის მსახურნი საზღვართაგან ქართლისა. სახლი ცეცხლისა დაავსო. ფსლითა, მოგვნი და ვაზირნი მისცა სატანჯველსა ბოროტსა» (ქცს., გვ. 133). ასრეთი სისასტიკე ვახტანგისა ყაენს აცნობა იმავე ბინქარ ეპისკოპოსმა, რომელმაც მოახერხა საპყრობილედან გაქცევა. მან ფესზე დააყენა მთელი სპარსობა და ქართლს წამოიყვანა, გარნა თვითონ ბინქარი საქართველოს საზღვარზე მოკვდა.

სპარსთა მოსვლამდე ვახტანგმა აფრინა მოციქული საბერძნეთს და შემწეობა ითხოვა. გარნა ამ დროს თვით კეისარს მეტად უჭირ-

და. ჩრდილოეთის ველურნი კარს მოსდგომოდნენ. მარტოდ დარჩენილი ვახტანგ შეიკეტა მცხეთაში და გაამაგრა დილომ-არმაზი. სპარსნი მოვიდნენ და დაიბანაკეს ცხენის ტერფიდან ჩადმართ». აქა-იქ ერთმანეთს შეეტაკნენ. სპარსნი არმაზს რომ შეებრძოლებოდნენ, მცხეთით ეშველებოდნენ; მცხეთას რომ შეებრძოლებოდნენ, არაგვზედ უსკდებოდნენ; მტკვრის ფონზედ გამოსვლას რომ დააპირებდნენ, «შეებნიან ფონსა ზედა ტფილისისასა, და ხან იმარჯვებდნენ სპარსნი და ხან ქართველნი. სპარსნი წრომამდის მივიდნენ, შეიპყრეს რაჭდენი და, ქრისტიანობის მიღებისათვის, აწამეს. იგი დასაფლავებულ იქმნა ნიქოზს.

ამასობაში მოვიდა ამბავი, რომ ბერძენთა მეშველი ჯარი მოდისო, ჯავახეთს მოაწიაო. ყაენმა მოციქულის პირით შეუთვალა კასტანგს: «რად ვწყვეტო ერთმანეთს. ჩვენ ძმანი ვართ და ნებროთის შვილნი. უკეთუ ცეცხლი არს ღმერთი, იგი შეგვეწევა. თვითეული ჩვენგანი მსახურებდეს სათნოსა სულისა თვისისა». ვახტანგი იძულებულ იქმნა შერიგებოდა ყაენს, რომელმაც მეფეს მისცა გვირგვინი ანთრაკოკანი და დიდი ძღვენი მიართვა. ვახტანგი მიეგება ყაენს გალის ველზედ და ერთმანეთის მოკითხვის შემდეგ გადასწყვიტეს «თავის თავისა სჯულსა ზედა გარდაუვალა ყოფა. სოფელი ტფილისი და კალა თუმცა მოოხრებულ იყო, მაინც ამ სოფელში ვახტანგმა მიიწვია ყაენი და უძღვნა მას: 1,000 მხეკალი, 500 მონა, 500 სტარა საკრმანგი, 500 ბიზიონი რუზმა, 10,000 ხრდალი ცხენი, 500 ბარგის ცხენი, 300 ჯორო, 400 ძროხა, 10,000 ცხვარი.

II

აქვე იყო კეისრის მოციქული ლეონ. საბერძნეთის «სპანი ყოველნი საზარეთს» იყვნენო და «ბერძენთ ეშინოდათ, რომ სპარსნი საბერძნეთს არ შესულიყვნენო» და ამიტომ ლეონმა ითხოვა ყაენი შერიგებოდა კეისარს. ყაენი დათანხმდა²⁴), ასურეთი და შუამდინარის ნახევარი თავისთვის აიღო და შავი ზღვის აქეთი მსარე ვახტანგისათვის მოითხოვა. ამნაირად სპარსეთსა და საბერძნეთს შორის ისევ დაიდო ის მიჯნა, რომელიც განსაზღვრულ იყო 365 წლის ხელშეკრულობით, შაბურისა და იოკიანს (იბიმიანოზს) შორის (ქცხ., 136).

ყაენმა ამის შემდეგ გაგზავნა თვისი მოხელენი ბარზაბანი და მობიდან მისაღებად ქვეყანათა და ქალაქთა, რომელნიც ერგო სპარსეთსა და ვახტანგს. და თვით ვახტანგისაგან მოითხოვა ცოლად მისი დაჲ მირანდუხტ და აგრეთვე დაავალა მეფეს წაჰყოლოდა სპარსეთს, საცა აშლოდნენ მტერნი.

ამგვარად საქართველო კვლავ სპარსეთის სულში ჩავარდა. მეორედ თავის სიცოცხლეში ვახტანგმა ყაენს მიართო ხარკი არა თუ მარტო საქონლითა და ძვირფასეულით, არამედ მონა-მხეველებითაც. ჰეროდოტეს სიტყვით²⁵), ყაენები ქართველებს ყოველ ხუთ წელიწადში ერთხელ ართმევდნენ 100 მონას-ჭაბუკსა და 100 ახალგაზდა მხეველს. ახლა უტენმა ვახტანგს გამოართო პირველად 10,000 მონაჲ, ხოლო მეორედ 1000 მხეველი და 500 მონა.

მეფე ვახტანგმა ყაენის ბრძანება ასრულა. 5 წლის დაჩი მეფედ გამოაცხადა, ჩააბარა იგი შვიდს ერისთავს და თვითონ წავიდა სპარსეთს. ეს შვიდნი კაცი, რომელთაც ჩაბარდა საქართველოს დროებითი გამგეობა, იყვნენ: სპასპეტი ჯუანშერ, მკერო-

²⁴⁾ ტფილისის ხელშეკრულებად უნდა იგულისხმებოდეს იგივე ზავი, რომელიც დაიდო კობადსა და ანასტასის შორის 505 წელს (იხ. ზემოდ გიბონის ცნობები), რადგან ამ წელიწადს ყაენი შემოვიდა ივერიას და გაამაგრა დარუბანდისა, ალბანიისა და ივერიის კარები. ქართლის ცხოვრების მოთხრობითაც, ყაენის გამოლაშქრება საქართველოზე ზედ მოჰყვა საბერძნეთის ლაშქრობას. და სპარსთა შემოსევა იყო არა 505 წელს, როგორც ამბობს გიბონი, არამედ 504 წელს (იხ. ზემოთ ქორონიკონები).

²⁵⁾ განი, I, გვ. 16.

ვახტანგ გორგასალი

19

ბელი შიდა-ქართლისა და მფლობელი ყოველთა ერისთავთა; დემეტრე, ერისთავი კახეთისა და კუხეთისა; გრიგოლი, ერისთავი ჰერეთისა; ნერსარან, ერისთავი სუნანისა; ადარნასე, ერისთავი სამშვილდისა; სამანღირ, ერისთავი შიდა-ეგრისისა და სვანეთისა; ბაკურ, ერისთავი მარგუისა და თავკვერისა.

მეფემ თან წაიყვანა სპარსეთს: არტვაზი, ერისთავი კლარჯეთისა, ნასარ, ერისთავი წუნდისა, ბივრიტიანი, ერისთავი ოძრხისა და საურმაგი, მეფის დიდი ეჯიბი ²⁶⁾.

უცხოეთში დაჰყო ვახტანგმა რვა წელიწადს და სამშობლოში რომ დაბრუნდა, განიძრახა იგი განეთავისუფლებინა სპარსთა მძლავრებისაგან და მიმხრობოდა კეისარს. ამ საქმის განხორციელებას იგი გზაშივე შეუდგა. როდესაც სომხეთ-საბერძნეთის საზღვარს მოაწია, იმპერატორს გაუგზავნა მოციქული და ითხოვა კათალიკოზადა პეტრე მღვდელი და ეპისკოპოსად სამოელ მონაზონი. ხოლო მცხეთას რომ მოვიდა, კვლავ გაგზავნა დესპანი და იმპერატორს შეუთვალა: კათალიკოზი და 12-ნი ეპისკოპოსნი სწრაფად წარმოგზავნე და მათ შორისმცა არს პეტრე კათალიკოზად და სამოელ ეპისკოპოსად (ქცს., გვ. 145).

ამასთანავე ვახტანგმა მოითხოვა გამოეგზავნათ მისი საცოლე ელენე ²⁷⁾, რომელზედაც დაწინდული იყო იმავე წელიწადს, როდესაც მოუკვდა პირველი ცოლი ბალენდუხტ, ასული ყაენისა და დედა დაჩის..

²⁶⁾ აქ მოხსენებულ პირთაგან ზოგი მონათესავე ანუ თანამეზრდილი იყო ვახტანგისა. ვახტანგის მამამძემუდ (აღმზრდელად) იყო სპასპეტი საურმაგ, რომელიც მოკვდა ოსეთზე გალაშქრების წინად. მისი ადგილი დაიჭირა მისმა ძემ ჯუანშერმა, რომლის ძმა იყო არტვაზი, ერისთავი კლარჯეთისა და ძუძუსმტე ვახტანგ მეფისა. საურმაგ სპასპეტის ძმა იყო ვარაზმირ და საურმაგ ეჯიბი იყო ამის შვილი. ბივრიტიანი იყო სეფე-წული (ქცს., გვ. 110, 113, 119, 129, 140).

²⁷⁾ ქცს., გვ. 132, 133, 145. ვახუშტის სიტყვით (ისტორია, გვ. 95, შენ. 1), ელენე იყო ასული ლეონისა; გარნა ამ იმპერატორს ელენედ წოდებული ქალიშვილი არა ჰყვანდა. მისი ქალები არიადნა და ლეონტია გათხოვილნი იყვნენ სხვა კაცებზე; არიადნა ცოლად ჰყვანდა იმპერატორ ანასტასის.

ვახტანგის თხოვნას საბერძნეთში დიდის სიხარულით მიიღებდნენ, რადგან ამ თხოვნის აღსრულებით იმპერიას უსრულდებოდა მისი დიდი ხნის წადილი: აღდგენა და გავრცელება კეისრის უზენაეს ხელმწიფებისა ივერიასა და კავკასიაზე. და ამ უფლების აღსადგენად უმთავრეს იარაღს იძლეოდა თვით ვახტანგ მეფე: იგი უარსჰყოფდა ყაენს, უნათესავდებოდა იმპერატორს და იმპერატორსკე უთმობდა აფხაზეთს. ყველა ამის მაგიერ იმპერატორისაგან მეფე ითხოვდა მხოლოდ ეკლესიის მოთავეს, ე. ი. კათალიკოზს. და ამ თხოვნის ასრულება იმპერატორისაგან მით უმეტეს ადვილი იყო, რომ კათალიკოზი უნდა ყოფილიყო ბერძენივე და, ამასთანავე, ანტიოქიის პატრიარქის ხელქვეითი (ქცს., 145).

და მართლაც, იმპერატორმა დიდის სისწრაფით გამოუგზავნა მეფეს კათალიკოზიცა და ეპისკოპოსნიც და აგრეთვე ცოლად ბატონიშვილი ელენე. ამას გარდა ვახტანგისათვის იმპერატორმა გაიმეტა მცირე ქვეყანაც: ელენეს მზითვად მისცა ეგრისწყალსა და კლისურას შუა მდებარე კუთხე.

ეს იყო (ის. ზემოდ) ქართლის მოქცევიდან (მირიანისითგან) რო (170) წელსა, ე. ი. 512 წელს (342 + 170).

პეტრე კათალიკოზსა და სამოელ მონაზონს და, ალბად, დანარჩენ თერთმეტ ეპისკოპოსთაც მეფე ვახტანგი იცნობდა 499 წლიდანვე.

ვახტანგმა საბერძნეთს რომ გაილაშქრა 499 წელს (ის. ზემოდ), მაშინ მცირე აზიაში გაიცნო მღვდელი პეტრე და სამოელ მონაზონი. ამათთან მეფეს ჰქონდა გრძელი საუბარი შესახებ საეკლესიო საქმეებისა, და იქვე გადასწყდა კითხვა, რომ საქართველოს ეკლესიას მიენიჭოს კათალიკოსობა და პირველ კათალიკოზად დაინიშნოს ეს პეტრე მღვდელი (ქცს., გვ. 124–128). გარნა მაშინ «მეფემ ვერ მოიცალა მოყვანებად კათალიკოზისა და ეპისკოპოსთა, რამეთუ მოელოდა იგი სპარსთა მეფისა მოსვლასა, ამაგრებდა ციხე-ქალაქთა» (ქცხ., გვ. 133).

ეს 499 წელი ახლოა იმ დროსთან, როდესაც ანტიოქიის პატრიარქად იყო პეტრე კნათე, რომელმაც, როგორც ფიქრობს ბროსსე, საქართველოს ეკლესიას მიანიჭა კათალიკოსობა. «იტყვიან-

ვახტანგ გორგასალი

21

ნო, – ამბობს ბალსამონი, – რომ უწმიდესის ანტიოქიის პატრიარქას პეტრეს დროს მოხდა კრების განჩინება, რომელმაც დაასკვნაო, რომ ივერიის ეკლესიას მიენიჭოს თავისუფლება და თვითგამგეობა ანტიოქიის პატრიარქის მოძღვრების ხელ-ქვეშე».

451 წელს მოხდა სალკიდონის კრება. ამ კრების დადგენილებამ დიდი განხეთქილება ჩამოაგდო ეკლესიებს შორის და დაჰბადა მწვალებლობა მონოფიზიტთა» (ერთბუნებოვანთა). სომხის ეკლესიაც ამ უკანასკნელ სწავლას მიემხრო. თვით კოსტანტინეპოლსა, ანტიოქიასა და სხვაგან ერთს აზრზედ არ იდგნენ. სარწმუნოებრივმა უთანხმოებამ ბევრი სისხლი დასთხია ანტიოქიასა და კოსტანტინეპოლშიაც. პატრიარქებს მწვალებლობას სწამებდნენ და

ამზობდნენ. 471 წლიდან 488 წლამდე ანტიოქიის პატრიარქი პეტრე კნათე სამგზის დასვეს პატრიარქად და სამგზისვე დაამხეს ²⁸⁾. თვით კოსტანტინეპოლის ეკკლესია ორად გაიყო. მონოფიზიტნი სასტიკად ებრძოდნენ მართლმადიდებელთ. ამ უკანასკნელთა მტერნი გეისარს ანასტასის (491–518 წ.) არიოზის მომხრეობას სწამებდნენ. 511–512 წ. მრავალგან დაიღვარა ქრისტიანეთა სისხლი. იბრძოდნენ ერთსა და იმავე ეკკლესიაში. ერთხელ თვით მეფესაც შეურაცხება მიაყენეს «სამწმიდაო ღმერთოის საგალობელის თქმით. სარწმუნოებრივ კითხვებს გარდა ამ დროს ბიზანტიას თავზარს სცემდა დანაბზედ²⁹⁾ გადმომდგარი ჭონთა ხელმწიფე. მეოთხე საუკუნის გასულს ქონთა ურდოები გაიჭიმა ვოლგიდან დანაბამდე. კეისარმა მათი მოთავე დაამოშმინა ხარკის ძლევით (433 წ.). მა-

²⁸⁾ ამ პეტრე კნათემ სისრულე მისცა „სამწმიდა ღმერთოის“ საგალობელს. სიტყვებს „წმიდაო ღმერთო, წმიდაო ძლიერო, წმიდაო უკუდაო“-ს პეტრე კნათემ მიუმატა: „რომელი ჯვარს ეცვა ჩვენთვის“. ამას კოლადიონმა მიუმატა: „უფალი ჩვენი იესო ქრისტე“. პეტრემ ეს უკანასკნელი მინამატი უარჰყო (როზერტსონ, I, 479). წმ. ეფთვიმე მთარგმნელი ამბობს (ეკკლ. მუხ. ხელნაწ. No 96, გვ. 92): „სომხებმა „წმიდაო ღმერთოის“ გალობას დაურთეს „წმიდაო უკუდაო, რომელი ჯუარს ეცვ ჩვენთვის, შეგვიწყალენ ჩვენ“. ეს მწვალებლობააო, რადგან მეოთხე პირი შემოაქცსო“.

²⁹⁾ გიორგი მთაწმინდელის მიერ ნათარგმნ სვინაქსარში დანაბი სახელია მდინარე დუნაიასი.

22

მომბე

ლე ქონების მოთავედ შეიქნა ატტილა ღვთის ცეცხლი. მან დაიმორჩილა უმეტესი ნაწილი გერმანელთა, სკვითთა და ხაზართა. ჰონდიდ ძალი ლაშქარი 441–442 წლებში შემოესია საქართველოსა და სომხეთს, შევიდა ასურეთში და თავზარი დასცა ანტიოქიას. აქედან მათ წაიღეს. დიდ ძალი ალაფი და წარსდგნენ ატტილას წინაშე. 447 წელს ატტილა შეება კეისარს, რომელმაც მშვიდობა იყიდა 2100 გირვანქა ოქროთი ⁸⁰⁾.

აი ეს ონნი მოსვენებას არ აძლევდნენ ბიზანტიის იმპერატორს. მათ მალე დაიპყრეს მთელი იტალია და თვისი საზღვრები დაუახლოვეს კოსტანტინეპოლს.

ამგვარ გასაჭირ დროს კოსტანტინეპოლს მივიდნენ ვახტანგ მეფის მოციქულნი. რაღა თქმა უნდა, ვახტანგის მომხრეობა (ეკკლესიური და პოლიტიკური) სწორედ ზედმიწევნა იყო გაჭირებულ იმპერიისათვის, რომელსაც ამასთანავე შიში ჰქონდა ყაენის მხრივაც.

და ამიტომაც კეისარმა ვახტანგის მიერ ამორჩეული პეტრე მღვდელი და სამოელ მონაზონი წარგზავნა ანტიოქიას და იქაურ პატრიარქს მისწერა: «ესენი აკურთხე ერთი კათალიკოზად საქართველოსა და მეორე ეპისკოპოსად, ამათ გარდა კიდევ ამირჩიე თერთმეტი სამღვდელო კაცი და იგინიც ეპისკოპოსად აკურთხეო და მერე ჩვენ წინაშე წარმოგზავნე, და ჩვენ კი საქართველოში გავისტუმრებთო».

პატრიარქმა შეასრულა კეისრის ბრძანება. სამღვდელოება მოკიდა მცხეთას. ვახტანგმა იგინი დიდის დიდებით მიიღო. პეტრე დასვა

კათალიკოსად, სამოელი სამთავრელად (მცხეთის ზემო ტაძარში), ხოლო დანაშთენთაგან თითო-თითო განაწესა: ახიზს (კლარჯეთს), არ-ტანს (ერუშეთს), წუნდას (ჯავახეთს), მანგლისს, ბოლნისს, რუს-თავს, ნინოწმინდას, ჭერამს, ხორნაბუჯს (ქიზიყის ბოლოს), აგა-რაკს (სომხითში) და შემდეგში ერთი ც ნიქოზს (ქცს. 146).

ყაენი ასრეთ საქციელს არ მოუწონებდა ვახტანგს, ბერძენთა ეპისკოპოსებისაგან საქართველოს ეკკლესიის გავსებას ვერ მოით-მენდა სპარსეთის ძლიერი ხელმწიფე. ამიტომაც იგი უბრძანებს

³⁰⁾ გეორგ ვებერ. IV, 665.

ვახტანგ გორგასალი

23

ვახტანგს, კვლავ აღადგინოს საქართველოში წესი სპარსთა სარ-წმუნოებისა, მკვდრების დამარხვა აღკრძალოს და გადაცვალებულთა გვამები ფრინველთა და ძაღლო შეაჭამოს ³¹⁾. გარნა კობადის ბრძა-ნებას არ ემორჩილება მეფე და იმპერატორისაგან შემწეობას ით-ხოვს. იმპერატორი ელჩს გზავნის ქერსოვნიეთს ³²⁾ (ბოსფორში) ჰონ-თა გამოსუკანად და საშველად ქართველთა ელჩი გერას არიგებს. იმპერატორი ლაზიკაში გზავნის პეტრე სპასალარს გურგენისათვის შემწეობის აღმოსაჩენად. ყაენი გურგენის წინააღმდეგ გზავნის ვა-რიცა-ბაოს ³³⁾ გურგენი მიდის ლაზიკაში დიდებულებითა, მძებრითა, დეპრითა, ცოლითა და შვილებით, რომელთაგან ყველაზედ უფროსი იყო პერანი ³⁴⁾. იქ მაგრდება მეფე და სპარსნი ვერას აკლებენ. აქე-დან ქართველნი მიდიან ბიზანტიას. ყოველივე ეს მოხდა 521–527 წლებში ³⁵⁾.

ქართლის ცხოვრებაში მეფე ვახტანგის მოგზაურობა სახლო-ბითურთ მოთხრობილია სხვა ადგილას (გვ. 136–138), ყაენის ბრძანებით ³⁶⁾ ვახტანგი იძულებულ იქმნა წასულიყო ანტიოქიას, საცა მას ელოდა სპარსთა ხელმწიფე. ვახტანგმა თან წაიყვანა სამი ერისთავი და ერთი ეჯიბი, 10,000 მეომარი, თვისი ცოლი და დე-

³¹⁾ გან. წიგნი II, გვ. 16.

³²⁾ სვინაქსარში, ქერსოვნიეთი სახელია ბერძნების ხერსონისისა.

³³⁾ გან. II, გვ. 16.

³⁴⁾ ვახტანგ გორგასალს ბაღენდუხტისაგან ჰყვანდა დაჩი, რომლის მარჩბივად შობიარობაზე დედა გარდაიცვალა. ელენესაგან ჰყვანდა „სამ ძე და ორ ასულ“. ამ სამ ძეთაგან ერთს ერქვა ლეონ და მეორეს მირდატ. მესამის სახელი არა სჩანს. იგი უნდა მომკვდარიყოს ვახტანგის სიკვდილის წინად (ქცხ., 149). ვახტანგს არც ძმები ჰყვანდა, გარნა ვახტანგისავე დროს იყვნენ მიჰრანი და გრიგოლ. ესენი იყვნენ მირიანის ძის რევის შთა-მომავალნი და ვახტანგი კი მირიანის ძის ბაქარისა. ამიტომ საკვირველი არ არის, რომ ვახტანგი მირიანსა და გრიგოლს ძმებად ხადოდეს, მით უმეტეს, რომ ერთ დროს ეს მირიანი თავის მემკვიდრედ გამოაცხადა (ქცხ., 121). თუ „პერანი“ (გან. II, 4, 16) ვახტანგის ძმა იყო, იგი იქნებოდა ეს მირანი, თუ ძე, ვახტანგის უფროსი შვილი ელენესაგან (ქცხ., 149).

³⁵⁾ გან. II, გვ. 15–16.

³⁶⁾ ეს ბრძანება მოიტანა ყაენის სპასალარმა ბარზაბან (შეადარე ზეთ მორე ხსენებულს ვარიცა-ბოას).

ბი. აქ ისინი დიდ სანს დარჩნენ. მოილოცეს იერუსალიმი და სამშობლოში დაბრუნდნენ რვა წლის შემდეგ. თვისის გამგზავრების წინად კეისრის წინაშე ვახტანგმა გაგზავნა დესპანად «კლარჯეთისა თავი» ერისთავი არტვაზ დიდის ძღვენით.

სწორედ ამ ხანს (527 წ.), მსოფლიო ისტორიის მოწმობით ⁸⁷⁾, ლაზთა მეფის ზამნაქსის შვილი ჭათი წავიდა კოსტანტინეპოლს და კეისრის ისტკინეს მფარველობა და მამის ტახტზე დამტკიცება ითხოვა: არა მსურს ყაენმა დამიმტკიცოს ტახტი, რადგან ამ შემთხვევაში იძულებული ვიქნები აღვიარო მისი სარწმუნოებაო. ჭათმა ქრისტიანობა მიიღო. ისტკინემ გამოაცხადა იგი ლაზთა მეფედ და დაავიგვინა. ცოლად მან შეირთო უალერიანე, შვილის შვილი პატრიკის და კუროპალატის ონინისა. შემდეგ იგი დაბრუნდა სამშობლოში. მას ეხურა რომაული გვირგვინი, ეცვა თეთრი ქლამიდი წითელი აბრეშუმისა. პორფირის მაგიერ ჰქონდა ხელმწიფური ოქროს ფიცარი, რომელზედაც ლურჯის ფერადით გამოყვანილი იყო ისტკინეს სახე. მასვე ბოძებული ჰქონდა კერული კვართი (stixaris), ოქრო და ბეწვი მოკლებული, ისტკინეს სახით, წაღები, თვისის ქვეყნის წესისამებრ, წითელი ფერისა ჰქონდა და შემკული იყო მარგალიტებით. მარგალიტებითვე შემკული იყო მისი სარტყელი. კეისრისაგან მან და მისმა ცოლმა მიიღეს მრავალი ძვირფასი საჩუქრები.

კობადმა ეს რომ შეიტყო, ისტკინეს შეუთვალა: «ჩვენ შორის თუმცა მეგობრობა და ზავია, შენ მაინც მმტრობ მე. მაგალითებრ, ლაზთა მეფეს, ჩემს ქვეშევრდომს, შენ მოსავ მეფურად, და იგი კი არასოდეს რომაელთა ქვეშევრდომი არ ყოფილა, არამედ მუდამ სპარსთა უფლების ქვეშე».

კეისარმა უპასუხა: შენი ქვეშევრდომთაგანი ჩვენ არავინ მიგვიღია და არც მოგვიწვევია. გარნა ჩვენს ქვეყანაში მოვიდა ვიღაც ჭათი, მუხლის წინ დაგვივარდა და შემოგვეხვეწა გვეხსნა იგი წარმართთა უწმინდურ რჯულისაგან, უღვთო. მსხვერპლმსახურებისაგან და ბოროტ სულთა ქენჯნისაგან. და ნება მივეცით მას მიეღო ქრისტიანობა, რადგან გვევდრებოდა სახელითა საუკუნოისა და ზენა-

³⁷⁾ გან. II, 69–73.

ვახტანგ გორგასალი

25

რისა ღვთისათა და შემოქმედისა ყოვლისა ქვეყნისა. და რადგან მას სურდა უკეთესი სარწმუნოება აღერჩია და ერწმუნა ჭეშმარიტი ღმერთი, ამიტომ მისთვის დაშლა არ შეიძლებოდა. მოვაქციეთ რა იგი საქრისტიანო რჯულზედ და ღირს ვყავით ღვთიურ საიდუმლოთა, სამშობლოშივე დავაბრუნეთ».

ამის შემდეგ კეისრის ლაშქარს ლაზიკაში ყოფნა გაუჭირდა. ლაზნი სანოვანებს არ აწვდიდნენ რომაელებს. ამიტომაც მათ დატოვეს ლაზიკა. სპარსთა დაიჭირეს მისი სიმაგრეები და 528 წელს ომი გამოუცხადეს ჭათის. ამან შემწეობა ითხოვა კეისრისაგან. რომაელნი შემოვიდნენ ლაზიკაში. მათი სპასალარები იყვნენ კელისარი, კერიკა და ირინე (პენდატის ძე). სპარსთა სძლიეს. კეისარმა

ახლა გამოგზავნა სპასალარი პეტრე, რომელიც ლაზებთან ერთად დაეცა სპარსელებს და მრავალი მათგანი ამოხოცა.

ქართლის ცხოვრებით, ვახტანგის დროს შიდა-ეგრისისა და სვანეთის ერისთავად იყო სამანღირ, რომელიც უნდა იყოს ზემორე სსენებული ზმნაქს, ხოლო არტვაზ ერისთავი, თავი კლარჯეთისა», რომელიც ვახტანგმა გაგზავნა კოსტანტინეპოლს, ალბად, იყო სამანღირის შვილი თათი ³⁸⁾).

ბერძენ-რომაელნი ძველ დროიდანვე ლაზიკა-კოლხიდას თავისად სთვლიდნენ და ამიტომ საკვირველი არ არის, რომ მათ აქ მეფედ დაესვათ ჭათი, რომელსაც საქართველოს კანონიერი მეფე ერისთავად უწოდებდა.

ამის შემდეგ გადის რამდენიმე წელიწადი. კობად ყაენს უჯანუდებიან მისნი ქვეშევრდომნი. მოთავედ აჯანყებულთა არის მაზდაკი, რომელიც ქადაგებს, რომ ცოლნი საერთონი უნდა იყვნენო. კობადი ამარცხებს მტრებს, ტახტს ისევ იბრუნებს და მეძვიდრედ აცხადებს თავის მესამე შვილს ხოსრო ნუშირვანს («მართლმოყვარეს»). ამასთანავე ყაენი სთხოვს ისტკინე იმპერატორს (520 წ.) შვილად აიყვანოს ეს ხოსრო. ხოსრო მიდის საბერძნეთს, გარნა გზაზე იტყობს, რომ ისტკინე წინააღმდეგია მისის შვილობილო-

³⁸⁾ tzathios, tzathes. რადგან აქარას ბერძნულად სწერენ Atzara-დ, ამიტომ tzathios (tzathes) უნდა იყოს ჭათი, ჭათე ან ჭატი.

26

მომბე

ბისა. ხოსრო. ბრუნდება ფრიად ნაწუენი. კობადი კვდება (531 წ.) და ტახტზე ჯდება სოსრო 39) (531 წ.).

კობად ყაენს რომ სიცოცხლე გამწარებული ჰქონდა თავის ქვეშევრდომთაგან, ამას ქართლის ცხოვრებაც აღნიშნავს მოკლედ. ვახტანგს რომ ინდოეთში საბრძოლველად იწვევდა, ეუბნებოდა: «საქმესა ამასჲ ჩემსა (ზავი რომ დასდო ბერძნებთან) განრისხენ სპარსნი მოხუცებულნი. აწ ესე არს სათხოველი ჩემი, რათა დაა შენი მომცე მე ცოლად და შენ წამოხვიდე ჩემთანა ქვეყანასა მამისა ჩვენისასა. შემწე მეყო მე თავითა შენითა მტერთა ჩემთა ზედა, აბაშთა და ელამთა, ინდთა და სინდთა, რამეთუ უძვირესი ბოროტი და დამდაბლები მეფობისა ჩემისაჲ მათ ყვეს. აწ ოდეს მოხვიდე ჩემთანა, ესრეთ ვრქვა მოხუცებულთა და მარზაპანთა ჩემთა, რამეთუ სიყვარული ვყავ ჩემი და მოყვარეთა ჩემთა... და ამითა დავაცხროთ გულისწყრომა მათი...» (ქცს., გვ. 136). საკვირველი ის არის, რომ ისტკინესაგან შვილად არ აყვანილი ხოსრო მეცადინეობს ეშვილობილოს ვახტანგ მეფეს. გამეფებისავე უმაღ იგი სწერს ვახტანგს: მომეც მე ასული შენი ცოლად, რათა ვიყო მე ვითარცა ერთი შვილთა თქვენთაგანი (ქცს., გვ. 146).

ხოსრო I დიდი, განათლებული და მოსამართლე ხელმწიფე იყო. სუზაში მან დააარსა აკადემია და ამ აკადემიის მასწავლებლებად დანიშნა 7 ფილოსოფოსი, გამოდევნილი კეისრისაგან. მის დროს აღევავდა პოეზია, ფილოსოფია და რიტორობა; დაწერილ იქმნა ისტორია, გადმოითარგმნა ბერძენთა და ინდოელთ თხზულებანი, ინდოეთიდან მოტანილ იქმნა აბრეშუმის ჭია ⁴⁰⁾ და სათამაშო

ნარდი. ამას გარდა კიდევ სსკა ცვლილებებიც შემოიღო ხოსრო I-მა და ფრიად განაძლიერა სპარსეთი. მანვე სპარსულს ენაზე გადმოთარგმნინა ინდოელთა თხზულება «ქილილა და დამანა, რომლიდან ორი იგავი შეტანილია თვით ვახტანგ გორგასლის «ცხოვრებაში» (ქცხ., გვ. 140–141). ეს თხზულება, რომელსაც ქართლის ცხოვრებაც იხსენიებს «ქილილა და დამანად» (გვ. 269), ძალიან შე-

39) გიბზონი, IV, 492. განი, II, 69.

40) თვით საქართველოშიაც, როგორც გადმოგვცემს ზეპირთქმულება, აბრეშუმის ჭიის თესლი პირველად ვახტანგის დროს შემოვიდა.

ვახტანგ გორგასალი

27

საძლებელია, თვით ვახტანგსვე მოეტანოს ინდოეთის ლაშქრობიდან დაბრუნების დროს, და ანუ იქიდანვე მოეტანოთ ჭენბაკურ ორბელიანი.

აი ამ ხოსრომ შემოუთვალა ვახტანგს: მოკვდა მამა ჩემი და მეფედ მეო. მე ერმან მისმან. მოხუცებულთა მიბრძანეს, მოკიდე წინაშე შენსა და შენ წარმიძღვე მე შესლვად საბერძნეთს» (ქცხ., გვ. 146). მეფე ამ დროს აშენებდა ქალაქ ტფილისს და საფუძველი ოდენ დაედვა. იგი მიწევნილ იყო ვითარ სამეოცისა წლისა (იქვე).

ვახტანგმა უარი უთხრა. სარკის ასაღებად კი არ გვებრძვის ყაენიო, – ეუბნებოდა ვახტანგი კათალიკოზს, – არამედ რათა დაგვატევებინოს ქრისტეს სჯულიო (ქცხ., გვ. 147). «მეფემ წარავლინა ქადაგი, რათა ერმა დაუტეოს სოფლები და ქალაქები, რომელი იყო არა ძლიერი, და შეივლტოდიან კავკასიანთა და კახეთად, რამეთუ კახეთი იყო ტყე შეუვალი მტრისა მიერ (ქცხ., გვ. 147). ყველანი შეიხიზნენ მაგარ ადგილებში. ლოპოტის კლდიანი და კლდით მოზღუდვილი ხეობა გაივსო ხალხით. ამ ხეობის მოსახლენი. მაშინ ისევ ცეცხლისა და წყლის მსახურნი იყვნენ (გვ. 147). აქვე დადგა ვახტანგის ძე დაჩი მეფე. თვით ვახტანგი ცოლითურთ შევიდა უჯარმაში და წინა-ციხეში დადგა, მცხეთაში ჩააყენა დემეტრე, ნერსე და ბივრიტიანი. ამასთანავე კეისარს აცნობა ყაენის შემოთვლილობა და შემწეობა ითხოვა.

ყაენი განჯის მხრიდან იორზე გადმოვიდა, შემუსრა კამბეჩიანის (ქიზიყის) ქალაქნი და ჭერამისციხე და ველისციხე. კათალიკოზი და ყველა ეპისკოპოსნი შემოიკრიბნენ უჯარმას. სპარსთა ჯარი იყო 740,000. ვახტანგი შეება მტერს იორზე და დიდ ძალი ლაშქარი გაუწევიტა, აგრეთვე ყაენს მოუკლა მისი შვილი ბარტამი. ყაენი აიარა და რუსთავს ჩადგა (ყარაია). საუბედუროდ, ამ ბრძოლაში მძიმედ დაიჭრა თვით ვახტანგიც. ჯარი ჩააბარა სპასპეტებს და თითონ უჯარმას დაბრუნდა. ყაენმა ჩავლო მტკვრის პირპირ, შემუსრა ტფილისი, მოაოხრა არმაზი და კარნუ ქალაქს (არზრუმს) მივიდა. იქ იდგა კეისარი. შეიბნენ ორთავე ბუმბერაზნი და ორივე, მხრიდან იმდენი მეომარი გაიჟლიტა, რომ სისხლის მდინარეები დადგა («ცხენი მუცლით აპობდა სისხლსა»).

«და ვერ სძლო ერთმანცა, რამეთუ სპანივუ ორთანვე დაიხოცნენ. და შეიქცა ხვასრო გზასა ქართლისასა» (გვ. 148).

ყოველივე ამას მსოფლიო ისტორია გადმოგცემს ასრე:

იუსტინიანესა და ხოსროს შორის უთანხმოება მოხდა. გარნა მამულლი დასრულდა ზავით, რომელიც დაიდო. 532 წელს. იუსტინიანემ, ამასთანავე, ყაენს მიაართო 11,000 გირვანქა ოქრო. ამ ზავის ძალით ბიზანტიაში გარდახვეწილ ქართველებს მიეცათ უფლება, უკეთუ მოისურვებდნენ სამშობლოში დაბრუნებას, დაბრუნებულიყვნენ 41). გარნა ეს ზავი რავდენიმე ხნის შემდეგ დაირღვა. ამის მიზეზად შეიქმნა იმპერატორი. ხოსროს შეატყობინეს, რომ იუსტინიანე შენს სამტროდ ემზადებაო, იმან სომხეთი დაიპურო, ხელს იწვდის ჭანეთისკენაც და სურს შეიქმნეს მსოფლიო იმპერატორიო. სოსრო. გადავიდა ევფრატზე და მიადგა დურას. აიღო იგი და ამოჟლიტა მტერი. მანვე დაიპურო ასურეთი, დაანგრია ანტიოქია და იერუსალიმისაკენ გასწია. იმპერატორმა მის წინააღმდეგ გამოგზავნა შესანიშნავი სპასალარი ველისარი. ხოსრო შემინდა, უკან დაიხია, ევფრატზე გადმოვიდა და კოლხიდაში შემოვიდა. ველისარიც უკანვე დაბრუნდა, რადგან იმპერიას სხვა მხრიდანაც განსაცდელი მოელოდა.

სალაშქროდ წასვლის წინად, როგორც სჩანს ქართლის ცხოვრების ზემორე მოუვანილ ცნობებით, ხოსროს სდომებია ვახტანგის მიმხრობაც, გარნა ვახტანგი რომ უარზე დამდგარა, იგი საქართველოში შემოსულა, ვახტანგს შებრძოლებია, სასიკვდილოდ დაუჭრია, აუოხრებია ზოგიერთი ციხე-ქალაქი და მერე აჩქარებით წასულა კარნუ ქალაქისაკენ, რომ უყაენოდ დარჩენილ სპარსეთს არ შესეოდა კეისარი.

ყაენის წასვლის შემდეგ დამძიმდა ჭრილობა ვახტანგისა: მტრის გამოსროლილი ისარი ფილტვამდე დასობოდა მას. სიკვდილის წინად მოიწვია მან ცოლ-შვილი და დიდებულნი და უთხრა: «სიყვარულსა ბერძენთასა ნუ დაუტეობთ». მერე დაჩის უთხრა: «შენი ძმებისათვის და ჩემი შვილებისათვის ბერძნის ცოლისაგან მიმიცემია

⁴¹⁾ განი. წიგნი II, გვ. 16–17; გიბზონი. IV, 500.

ტასის კარითგან (ბორჯომიდან) და წუნდითგან სომხითამდე და საბერძნეთამდე და აგრეთვე საზღვარი აფხაზეთისა ეგრისწყალსა და კლისურას შუა. შენ იყავ მეფედ და ძმები შენი კი ერისთავებადა». შემდეგ დედოფალი ელენე და მისნი შვილნი (ლეონ და მირდატ) ჩააბარა წუნდის ერისთავს ნასარს, კლარჯეთის ერისთავს არტვას და ოძრხის ერისთავს ბივრიტიანს. და გარდაიცვალა (532 წელს). მთელმა ერმა გოდება და თავპირის ტყემა იწყო. ნაცარს იერიდნენ. გოდების სმისაგან იძვროდა მთელი ქვეყანა. გარნა ჰნატრიდენცა მას, რომ ქრისტესთვის მოიკლა. იგი შეირაცხა მოწამეთა შორის⁴²⁾ და დასაფლავებულ იქმნა მცხეთის სვეტიცხოველში. «საფლავსა მისსა ზედა, – ამბობს ქართლის ცხოვრება, – წერილ არს ხატი მისი, სწორი ასაკისა მისისა» (გვ. 149).

ვახტანგის შემდეგ დიდს განსაცდელში ჩავარდა საქართველო:

ყაენებმა მეფეებს ჩამოართვეს მეფური უფლება და ეკლესიაც მეტის-მეტად შეავიწროეს. ამ სავალალო დროს ეკლესიას ნუგეშად გამოუჩნდნენ კაიხადუკიიდან მოსულნი 13-ნი მამანი და სამეფო-ტასტს კი გურამ ბაგრატიონი.

მ. ჯანაშვილი

⁴²⁾ ქართლ. ცხ., II, გვ. 25.

სამეგრელო-სვანეთის

სამთავროთა გაუქმება

კ. ალ. ბოროზდისა.

5 *)

თებერვალსა თუ მარტში დ. ყიფიანი სამეგრელოში მოვიდა. რამდენჯერმე იყო გენარალ მ. კოლიუბაკინთან, ბევრი ილაპარაკეს იმის შესახებ, რომ ერთი პროგრამა შეედგინათ მოქმედებისა და ისე ეწარმოებინათ სამთავრო მამულების საქმენი, მაგრამ ვერც ერთხელ ვერ მორიგდნენ. გენერალი იმას ამბობდა, რომ კანონის წინაშე მთავრის მამულები კერძო მესაკუთრის მამულებად უნდა ჩაითვალოს და, მაშასადამე, ეს მამულებიც იმავე კანონს უნდა ექვემდებარებოდეს, რა კანონსაც კერძო მესაკუთრეთა მამულები ექვემდებარებაო. დ. ყიფიანი კი ცდილობდა დაემტკიცებინა, რომ მთავრობამ ისე უნდა მოუაროს მთავრის მამულს, როგორც სახაზინო მამულსაო. ამ შინაურულ მოლაპარაკების დროს გენერალი ხშირად ცხარობდა და არჩია დ. ყიფიანთან ამ საქმის შესახებ მხოლოდ მიწერ-მოწერა ჰქონოდა და ისიც ოფიციალურის ხასიათისა.

მაისში ფოთი ქალაქად იყო გამოცხადებული და უნდა ეკურთხებინათ. ამ შემთხვევისა გამო ორპირში მოიყარა თავი მთელმა უფროსობამ. აქ იყვნენ: გენერალ-გუბერნატორი, ქუთაისის გუბერნატორი, სამეგრელოს მმართველი, რამდენიმე მაზრისა და ოლქის უფროსები, სამი ეპისკოპოსი – ქუთაისისა, ჭყონდიდელისა და გურიისა. ამ კამპანიაში რამდენიმე ქალიც

*) „მოამბე“ 1897 წ. №№ X, XI და XII; 1899 წ. № II,